

## BEAVDEGIRJI

**Norgga dálkkádat- ja birasministeriija ja Suoma eanan- ja meahccedoalloministeriija gaskasaš beavdegirji, mii vuodduuvvá Suoma ja Norgga gaskasaš guolástansoahpamušii Deanu čázadagas čakčamánu 30. beaivve 2016 (Deanu guolástansoahpamuš) 7 artihkkalii ja čuvvosa 2 spiehkastagain soahpamuša 6 artihkkalis (Deanu čázadaga guolástannjuolggadus)**

Ráđđehusaid fápmudan eiseválddit leat, Deanu guolástannjuolggadusa 6 artihkkala mielde, joksán ovttamielatvuođa čuovvovaš guolástannjuolggadusa spiehkastagain soahpamuša čuvvisis 2 Deanu čázadaga guolástannjuolggadus:

1. Spiehkastat 5 §: a 2 momeanttas:

Norgga Vuovdaguoikka (Borsejohka-Ráidenjárgga) ja Anárjoga guolástanavádagaid gáddebivdolobiid dihtomeriin sáhtta guolástanbaji 2018 sirdojuvvojit eanemustá 600 lobi golmma vulobeale Norgga guolástanavádahkii, mat leat vulobealde čázadagas, dárkilut meroštallojuvvon gorálaš golmma avádaga gaskasaš juohkáseami mielde ja áššáigullelaš áigodaga áigge.

2. Spiehkastat 5 §:s čuovvovaš lasáhusaiguin:

Guolástanbajis 2018 várrejuvvo 3 % lohpedihtomearrái gullelaš gádde- ja fanasbivdolobiin guolástanlobit, mat addet vuoigatvuođa iežas guolástusa lassín lonistit ovttá mánnálobi. Mánnálohpi addá vuollel 16-jahkásaš mánnái vuoigatvuođa guolástit ovttas guolástanlobi oamasteddjiin, man lohpi lea laktojuvvon mánnálohpi. Mánáid mearri, geat guolástit mánnálobiin, ii leat ráddjejuvvon, muhto dušše okta mánná sáhtta guolástit hávális nu ahte geavaha stákku dahje giehtaduorggu. Máná lohpi ii lohkkujuvvo 5 §:a 1 ja 2 momeantta lohpedihtomeriide.

3. Spiehkastat 9 §:a 3 momeanttas:

Guolástettiin fatnasis buohkain dain, geat oassálastet guolástussii, maiddá suhkkiin, galgá leat guolástanlohpi.

4. Spiehkastat 12 §:a 4) čuoggás

Stággoguoelástus lea gildojuvvon fatnasis ja gáttis luossaoalgejogaid ovdabealde viidodagas, man ráját mearrašuvvet čuovvovaččat:

- a) Miehterávdnjái guovllus, man rádján lea jorbalasa geavli, man suonjar lea oalgejoga njálmmis 200 m lagamus oalgejoga gáttis.
- b) Vuosterávdnjái oalgejoga njálmmis 50 m lagamus oalgejoga gáttis eanemustá 200 m njuolga oallefávlái dahje joga rastá.
- c) Gildojuvvon guovlu gokčá a) ja b) meroštallojuvvon rájaidgaskasaš viidodaga. Stággoguoelástus lea lobálaš oalgejoga njálmmi vuostebeale gáttis. Lobálaš lea maid suhkat gildojuvvon guovllu čađa jođánit ja bisánkeahtá vaikko vuokkat leat čázis juos dát dáhpáhuvvá vuollel 10 m geahčen oalgejoganjálmmi vuostebeale gáttis.

d) Seamma guoská Áhkojoga, Láksjoga ja Leavvajoga njálmmiid muhto a) 300 m:a suotnjaris ja b) eanemustá 300 m njuolga oallefávlái dahje joga rastá.

5. Spiehkastat 22 §:a 2 momeanttas:

Go doaresbuođus, čuolus dahje vuojahagas geavahuvvo fierbmi, de galgá fierpmi čalbmegeaska leat unnimustá 58 mm ja ávnnasin oazžu leat dušše gissojuvvon nylon (láiggi sáigarat galget leat aseheappot go 8 deniera), mas láiggi assodat lea unnimustá 1,1 mm (210/8x3 norgalaš árppu nr 8). Láiggi assodatmearrádus ii leat fámus guolástanbajis 2018.

6. Spiehkastat 30 §:s:

Fanasguolástuslobi dahje stággoguoalástuslobi hálddašeddji, gean lohpaí lea laktojuvvon mánnálohpi, lea geatnegahtton raporteret máná sállasa 30 §:a mielde.

7. Spiehkastat 30 §:a 4 momeanttas:

Báikegotti olbmo stággobivdolobi ja almmolaš báikegottálašlobi hálddašeddjit galget dahkat guolástanbaji 2018 sálašalmmuhusa ovdal čakčamánu 1. beaivvi. Báikkálaš guolásteaddjiide addo dasa lassin vejolašvuohta doaimmahit sálašraportta/beavegirjji báberhámis vahku 27 ovddit guollebivddu oasis. Raporterengaskka oanideapmi dáhpáhuvvá cehkiid mielde. Jagi 2020 rájes sálašraportta galgá doaimmahuvvot guollebivddu čuovvu vuossárgga rádjai.

8. Spiehkastat 38 §:a 1 momeantta vuosttaš cealkagii:

Doaibmaválddalaš eiseváldi sáhtta ovttaskasdáhpáhusain dieđalaš dutkamusa, geavada iskosiid dahje guollegilvindoaimbajuid várás mieđihit lobi spiehkcasit guolástanjuolggadusa mearrádusain *guliid* bivdui.

Spiehkastagat, mat leat dahkkon dán earenoamáš beavdegirjji vuođul, leat fámus juovlámánu 31. beaivvi 2018 rádjái ja dain galgá ásahuvvot guktuid oassebeliid álbmotlaš láhkamearrádusain dađi lági mielde, ahte álbmotlaš mearrádusat bohtet fápmui mañimustá cuoŋománu 1. beaivve 2018.

Vuolláičállon guoktin stuhkkan dáro- ja suomagillii, mas guktot giellaveršuvnnat leaba ovttáarvosaččat.

Helsset/Oslo,

Eanan- ja meahccedoalloministeriija beales  
Ossodathoavda

Juha S. Niemelä

Dálkkádat- ja birasministeriija beales  
Ministtarráđđi

Tom Rådahl